



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

V. Markgraf Ludwig stiftet zum Gedächtnis des Grafen Heinrich von
Schwarzburg einen Altar in der Marienkirche zu Berlin, am 25. November
1334.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

tendas, quam vestram interlocutoriam dico nullam, et si qua sit vel videri possit, ab ipsa et ab omni grauamine, quod ex ea mihi et sepe dictis dominis meis futurum est ad reuerendum Dn. patrem Marquardum, Episcopum Razeburgensem, iudicem ut premititur a sede apostolica delegatum, qui sibi reuocationem cause dum placet reseruauit, in hiis scriptis prouoco et appello et apostolos instantanter instantius et instantissime peto, postulans ipsos mihi dari, subjiiciens me Dominosque meos sepe tactos omnesque nobis adherentes seu adherere volentes protectioni Dni. Episcopi supradicti, protestans, quod hanc appellationem intendo innouare et renouare, quotiens fuerit oportunum. Non adstringens me ad omnia supradicta probanda, sed solum ea que ad legitimationem mee appellationis sufficere videbuntur. Interposita est hec appellatio in Lubeke anno Dni. M^o. CCC^o. XXVII^o., in vigilia palmarum apud acta viva voce, presentibus Dominis et magistris Henrico Goldoghen, Iohanne Bulen, Ditmaro Schulup, Canonicis ecclesie Lubicensis, Magistro Iohanne Stripederoch et aliis quam plurimis fidedignis.

Ego vero attendens dicte appellationis causas fore minus legitimas et eidem appellationi non detuli nec duxi aliquatenus deferendum, loco apostolorum refutatoriorum eidem Iacobo procuratori Consulum et Berlin et Colne predictorum opidorum prefens scriptum tradidi mei sigilli munimine roboratum. Actum et Datum Lubeke, anno domini M^o. CCC^o. XXVII^o., sequenti die post inuentionem sancte crucis, presentibus discretis viris Iohanne dicto Dux, sacerdote, ac Iohanne dicto Stripederoch, clerico, ac Dno. Hermanno Klendinst, et Alberto de Molendino, consulibus in Lubeke, ac aliis pluribus fidedignis testibus ad premissa vocatis et rogatis.

Am Ende der Urkunde ist nachstehender Schein des Bischofs von Razeburg angeheftet:

Nos Marquardus, dei gratia Episcopus Razeburgensis, recognoscimus nos literas huic cedule nostre annexas cum sigillo honorabilis viri Echardi, prepositi Razeburgensis, recepisse fideliter sigillatas. Datum Sconenberghe, anno domini M^o. CCC^o. XXVII^o., feria sexta post diem decollationis B. Iohannis Baptiste sub nostro secreto.

Original im Geh. Staats-Archive. — Gercken's Cod. III, 372.

V. Markgraf Ludwig stiftet zum Gedächtniß des Grafen Heinrich von Schwarzburg einen Altar in der Marienkirche zu Berlin, am 25. November 1334.

Anno MCCCXXXIV. (die beate Catharine in ciuitate Templin). In nomine domini amen, Cum iustitia sit mater et gubernatrix omnium aliarum virtutum tribuens vn̄cuique quod suum est, deo videlicet, sibi et proximo, Deo ut ipsum colat, Sibi vt honeste vivat, Proximo vt ipsum non ledat. Qui vero deum non colit, honeste non vivit, proximum ledit, januam eterne beatitudinis sibi claudit, et Brauium felicitatis perpetue non attingit. Nos itaque Ludovicus, dei gratia etc., deuoto corde considerantes vestigia sequi iusticie et ea, que cultum diuinum respiciunt, augmentare, publice recognoscimus in hiis scriptis et ad vn̄uerforum notitiam cupimus deuenire, quod de maturo consilio nostrorum fidelium, consensu etiam serenissimi domini, domini Ludouici, Romanorum Imperatoris, ad hoc plenius accedente, ad laudem et honorem beatarum virginum katherine et margarete et in perpetuam memoriam et animarum remedium omnium marchionum Brandenburgensium predecessorum nostrorum et nobilis viri Heinrichi, comitis de Schwarzburg,

felicis recordationis, altare in ecclesia sancte Marie in nouo foro civitatis Berlin construximus, fundauimus, fundamus, erigimus nostrisque bonis videlicet de tredecim libris denariorum Brandenburgensium in moneta Berlinensi. Renunciamus eciam omni iuri et vtilitati, que vel quod nobis, nostris heredibus aut successoribus vniuersis potest et possent modis vel viis aliquibus in posterum suffragari. In cuius testimonium etc.

Aus einem Copialbuche des Geh. Staats-Archives.

VI. Kaiser Ludwig fordert den Markgrafen Ludwig auf, den Pfarrer Heinrich zu Neustadt-Eberswalde zu veranlassen, in Betreff des ermordeten Propstes von Bernau, seines Bruders, die ihm zuerkannte Buße anzunehmen, damit Berlin und Cöln vom Interdicte befreiet werden, am 17. März 1334.

Ludouicus, dei gratia Rom. imperator, semper Augustus, illustri Ludouico Marchioni Brandenburgensi, primogenito suo carissimo, gratiam suam et omne bonum. Nostre jam sepius innotuit majestati, quod ciuitates Berlin et Colna et tota uniuersitas ibidem ex parte Henrici, curati parochialis ecclesie in Euerswalde, occasione cuiusdam homicidii in persona fratris sui hinc retro perpetrati interdictorum et sententiarum plurium in non modicum detrimentum salutis animarum hominum inibi habitantium jam longo tempore ruinas periculosas sustinuerunt, et nichilominus adhuc per subtractionem diuini cultus et aliorum ministeriorum dispendia multifaria patiantur, ex eo quod prefatus Henricus emendam, quam sibi rei homicidii prefati semper fuerunt et sunt parati facere, hucusque recusauit et refutauit recipere debitam et condignam. Cum vero nec iuri nec rationi aliquo consonum videatur, quod propter aliquem talem casum priuatam, maxime cum emenda et satisfactio offertur per nocentes, que in iure vel arbitrio boni vel bonorum virorum per omnia reputatur sufficiens et habudans, Christi fideles sub tantis tenebrarum erroribus tanto spatio temporis debeant educari ullo modo; Idcirco dilectionem tuam seriosissime requirimus et hortamur, nichilominus districtius injungentes, quatenus prefatum Henricum ad presentiam tui statim studeas citare et literis tuis presentialiter euocare statuendo sibi terminum duorum mensium vel alium arctum et competentem, infra quem acceptet et capiet emendam, quam sibi sapientes predictorum locorum super prefato homicidio vel super his, que ei ex eodem emergenti competere possent, duxerint arbitrandam. Quod si facere fortasse renuerit extunc ad priuationem officii sui efficaciter procedas, nulla consideratione alia ulterius citra hoc expectata, et hoc ipsum beneficium Henrico de Tfuden conferas indilate, ut ibidem Deo et suis fidelibus valeat diuinitus famulari. Insuper mandamus tibi firmissime quatenus venerabilem Episcopum Brandenburg. inducas et si opus fuerit . . . habeas, ut ad priuationem predicti Henrici etiam procedat et Henricum de Tfuden de eadem ecclesia inuestiat, Dei et nostro intuitu sibi donum altaris et curam animarum liberaliter conferendo, harum testimonio literarum, Datum Nurenberch feria IV. proxima ante Palmas anno Dni. M^o. CCC^o. XXXIV^o.

Original im Geh. Staats-Archive. — Gercken Cod. III, 94—96.